

Fisherman's Beach Hotel ta cera acuerdo cu Gobierno

ORANJESTAD (AAN) -- Durante fin di siman Gobierno di Aruba a firma e acuerdo di garantia cu Fishersmans Beach Hotel pa asina sostene e financiamiento di e proyecto importante aki pa Aruba. E firmamento a sosode dilanti di notario Raymond Croes.

Di parti di Gobierno a firma Ministro di Finanzas Armand Engelbrecht den compania di hefe di e departamento economico H. van Trikt, K.Thijssen y John de Vries di Financien.

Pa Fishermans Beach Hotel tabata presente Chris Smeeds, Ru Fijnje, Victoria Ghini sub



director di e compania Sichel, Jan van Gullick y Jossy Lacle di Bouwmaatschappij. Ministro Engelbrecht den nomber di

Gobierno a expresa palabra di satisfaccion cu Gobierno por yuda na realisa e proyecto aki

cu lo ta un contribucion grandi na e obhetivo principal esta creacion di cuponan di trabao

pa nos hendenan.

Tanto den construccion como

den operacion e proyecto aki lo crea un enorme cantidad di

empleo pa e pueblo di Aruba. Banda di esaki e inversion grandi aki lo yuda stimula actividad den e otro sectornan di nos economia.

Ministro Engelbrecht a gradici e iniciadornan y financiadornan di e proyecto pa nan confiansa demostra den e futuro di Aruba.

Notario Croes den nomber di Fishermans Beach Hotel a gradici Gobierno pa e enorme contribucion na e realisacion di e proyecto aki.

Sin e cooperacion aki e proyecto no por a bira realidad, notario Croes a expresa. El a gradici tambe espezifcamente Thijssen y de Vries di Financien pa nan cooperacion.

Cu e etapa aki di financiamiento cera e proyecto ta hopi leu pa pronto cuminsa cu e fase di ehecutcion.